

KANTONALNA
PRIVREDNA
KOMORA TUZLA,
BROJ 5
MAJ
2013. GODINE



KOMORSKI INFORMATOR



ODRŽANA SJEDNICA UO
KOMORE



MEDALJE ZA „FANU“ I
„MENPROM“



„ALEN CO – ELEGANCE“
NOVA ČLANICA KO-
MORE



„BORPLASTIKA EKO“
TUZLA - „TRETMAN
OTPADNIH VODA“

KOMORSKI INFORMATOR broj 5 - maj 2013.

KANTONALNA PRIVREDNA KOMORA TUZLA

Izdavački savjet:

1. Nedret Kikanović, predsjednik
2. Mirsad Kukić, član
3. Bajazit Jašarević, član
4. Suad Selimović, član
5. Nurdin Žunić, član

Redakcijski kolegij:

1. Jorgovan Begić, predsjednik
2. Nedret Kikanović, član
3. Esad Arnautović, član
4. Nurudin Žunić, član
5. Suad Selimović, član

Izdavač:

Kantonalna privredna komora Tuzla

Gl i odgovorni urednik:

Dino Kalesić, dipl. žurnalista

Tehnička priprema, repro i štampa

C.P.A. Tojšići- Kalesija

Za štampariju:

Vildan Uščuplić - generalni direktor

Tiraž:

500 primjeraka,

Adresa:

Trg slobode bb

e-mail:komora@kpkt.ba

http://www.kpktz.ba

Ministarstvo obrazovanja, nauke, kulture i sporta na osnovu Člana 19. tačka 13. stav 2. Zakona o porezu na promet proizvoda i usluga ("Sl. novine Federacije Bosne i Hercegovine", broj: 6/95 i 25/97), rješavajući o zahtjevu Kantonalne privredne komore Tuzla broj: 10/15-4481/99. od 30.04.1999. godine, dalo je mišljenje o oslobađanju poreza na promet glasila "Komorski informator".

Poštovani čitaoci!

Značajne su teme koje su obrađene na posljednjoj sjednici Upravnog odbora Kantonalne privredne komore Tuzla. Članovi ovog komorskog tijela su upoznati sa privrednim kretanjima na području Tuzlanskog kantona za period I-III 2013. godine a raspravljalo se i o inicijativi za izradu „Strategije rekultivacije prostora devastiranih rudarskim aktivnostima na području Tuzlanskog kantona, o obrazovnoj upisnoj politici na području TK te o aktuelnoj problematici u poljoprivredi povodom neisplaćenih novčanih podrški sa nivoa FBiH i TK-a za 2012. godinu. Nakon višesatne rasprave o navedenim temama, privrednici koji sačinjavaju Upravni odbor Komore, dali su podršku Nacrtu Preporuke u obrazovnoj upisnoj politici na području Tuzlanskog kantona a koja je proizašla iz Rezimea sačinjenog nakon rasprave održane u Komori sredinom aprila. Također, Upravni odbor je podržao Inicijativu Udruženja za energetiku, rudarstvo i industriju Kantonalne privredne komore Tuzla da se formira ekspertni tim koji bi pristupio izradi "Nacrta strategije remedijacije odnosno rekultivacije prostora devastiranih rudarskim aktivnostima na području Tuzlanskog kantona". Zaključeno je da se uputi zahtjev u kojem se traži od nadležnih institucija da pokrenu aktivnosti na rješavanju navedenog problema te da podrže ovu inicijativu privrednika organizovanih u ovo komorsko Udruženje. U raspravi o informaciji vezanoj za aktuelno stanje u poljoprivredi na području Tuzlanskog kantona u povodu neisplaćenih sredstava iz planiranih podsticaja poljoprivredi, učestvovali su i predstavnici komorskog



Udruženja za poljoprivredu i prehrambenu industriju. Zaključeno je na sjednici Upravnog odbora Komore, da se zahtijeva od resornog kantonalnog ministarstva u kojem se zahtijeva hitno otklanjanje prepreka u realizaciji isplate novčanih podrški poljoprivrednim proizvođačima za 2012. godinu, a sve u cilju normalizacije stanja u poljoprivrednoj proizvodnji. Mjesec iza nas ostat će zapamćen za dvije velike firme, proizvođače u prehrambenoj industriji, dvije članice Komore. Na jednoj od najznačajnijih sajamskih manifestacija u širem regionu kada je u pitanju poljoprivreda i prehrambena industrija, na sajmu u Novom Sadu, među mnogobrojnom konkurencijom "Fana" Srebrenik je osvojila zlatnu i veliku zlatnu medalju za svoje proizvode: Marmelada marelica i Miješana marmelada. Mesna industrija Menprom se sa 80. Međunarodnog poljoprivrednog sajma u Novom Sadu vratila bogatija za još dvije medalje koje je osvojila za svoje konzervirane proizvode. Govedi narezak Premi osvojio je zlatnu, a kokošija pašeta Pollo je osvojila bronzanu medalju. I u Rudarskom institutu Tuzla je bilo razloga za zadovoljstvo. Laboratorije Rudarskog instituta dd Tuzla su iz Instituta za akreditiranje BATA dobili certifikat o akreditaciji. Ovim dokumentom je potvrđeno da Rudarski institut ispunjava zahtjeve standarda BAS EN ISO/IEC 17025:2006 u pogledu osposobljenosti za izvođenje mehaničkih ispitivanja, ispitivanja u građevinarstvu i mjerenju okolinske buke. Bilježimo i dvije sjednice odbora komorskih udruženja za komunalnu privedu i za hemiju i nemetale na kojima je obrađivana zanimljiva tema „Tretman otpadnih voda“. Temu je prezentovala ekipa iz firme „Borplastika Eko“ Tuzla, opet članica Komore. Ovaj broj Komorskog informatora donosi još informacije o prezentaciji koju je u komori upriličila firma „Wasserunion“, o obavljenoj raspravi u Komori o Nacrtu Prostornog plana općine Tuzla za period 2006-2026. godine, novim sadržajima Doma penzionera Tuzla, novoj usluzi NLB Banke, seminaru u Goraždu a predstavljena je i nova članica Komore, firma "Alen Co" Tuzla, tačnije, PJ "Elegance" fabrika namještaja Tuzla.

Dino Kalesić
gl. i odg. urednik

SADRŽAJ:

	HITNO OTKLONITI PREPREKE U ISPLATI PODSTICAJA	5
	IZRADA STRATEGIJE REKULTIVACIJE PROSTORA DEVASTIRANIH RUDARSKIM AKTIVNOSTIMA NA PODRUČJU TK	6
	NACRT PREPORUKE ZA OBRAZOVNU UPISNU POLITIKU NA PODRUČJU TUZLANSKOG KANTONA	7
	NACRT PROSTORNOG PLANA OPĆINE TUZLA ZA PERIOD 2006-2026. GODINE	8
	„ALEN CO” – „ELEGANCE” NOVA ČLANICA KOMORE	9
	„FANA” NA SKORO SVIM KONTINENTIMA	10
	„MENPROMU” MEDALJE U NOVOM SADU	12
	RUDARSKI INSTITUT TUZLA: BATA CERTIFIKAT O AKREDITACIJI	12
	NLB BANKA: KREIRANA ANDROID APLIKACIJA	13
	MAT: ZRAČNI MOST TK – EVROPA	13
	„BORPLASTIKA EKO” TUZLA - „TRETMAN OTPADNIH VODA”	14
	„TRETMAN SANITARNIH (FEKALNIH) I TEHNOLOŠKIH OTPADNIH VODA”	16
	NOVI SADRŽAJI DOM PENZIONERA TUZLA	17

CPA d.o.o. - vodeći proizvođač komercijalne ambalaže u BiH



www.cpa.ba

mail: info@cpa.ba tel: +387 35 635 095



GRAFIČKA PRIPREMA




SAVREMENA TEHNOLOŠKA I INFORMACIONA DOSTIGNUĆA



OFFSET ŠTAMPA



PROIZVODNJA REGISTRATORA



Održana redovna sjednica UO Komore...

HITNO OTKLONITI PREPREKE U ISPLATI PODSTICAJA

- Aktuelna problematika u poljoprivredi povodom neisplaćenih novčanih podrški sa nivoa FBiH i TK-a za 2012. godinu -



Na sjednici Upravnog odbora Kantonalne privredne komore Tuzla je prezentovana Informacija o privrednim kretanjima na području Tuzlanskog kantona za period I-III 2013. godine a raspravljalo se i o aktuelnim problemima u poljoprivredi. Sjednici su prisustvovali članovi Udruženja za poljoprivredu i prehrambenu proizvodnju koji su iskoristili ovu priliku da prezentuju aktuelnu problematiku u poljoprivredi povodom neisplaćenih novčanih podrški sa nivoa FBiH i TK-a za 2012. godinu. Suad Selimović, sekretar ovog komorskog Udruženja je za sjednicu pripremio podatke koji su, između ostalog, ukazivali na činjenicu da je prošlogodišnja poljoprivredna sezona obilježena velikim prirodnim elementarnim nepogodama za poljoprivrednike. Istaknuto je u informaciji kako je takvo stanje dovelo do značajnih štete u cjelokupnoj poljoprivrednoj proizvodnji a nije izostala ni informacija o posljedicama koje je prouzročila pojava aflatoksina u mlijeku. Sve je dovelo do toga da većina poljoprivrednih proizvođača na području TK-a nije ostvarila vrijednost proizvodnje koja pokriva sezonske troškove ulaganja (sjetva, sadnja, održavanje višegodišnjih zasada i uzgoj stoke). "Vlada Tuzlanskog kantona nije proglasila elementarnom nepogodom niti jednu od vremenskih nepogoda koje su zadesile poljoprivrednu proizvodnju – proizvodnju domaće hrane koja zapošljava ruralno stanovništvo, tako da bi bar djelimično nadoknadila štetu poljoprivrednicima. Novčane podrške poljoprivrednicima iz 2011.godine, po osnovu Zakona o novčanoj podršci primarnoj poljoprivrednoj proizvodnji TK-a, trebale su biti isplaćene sa 31.12.2011. godine, Vlada TK-a je isplatu završila tek krajem novembra 2012. godine. Poznato je da se novčane podrške za primarnu poljoprivrednu proizvodnju na TK-a svake godine smanjuju, tako da je u 2010. iz budžeta je za ovu namjenu bilo izdvojeno 10,5 mil. KM, u 2011. ukupno 6,8 mil. KM a u 2012. godini 5,6 mil. KM. Ovi pokazatelji govore da se ne provodi Zakon o novčanoj podršci primarnoj poljo-

privrednoj proizvodnji TK-a koji je donesen 2007. godine, po kojem je Vlada TK-a obavezna da novčano podržava primarnu poljoprivrednu proizvodnju u iznosu od 3,5% od ukupnog godišnjeg budžeta", istakao je u informaciji sekretar Selimović. Kako je istaknuto, ni jedna od predviđenih 5,6 miliona KM, nije isplaćena poljoprivrednim proizvođačima koji su zadovoljili uslove tj. dobili su Rješenja o odobrenoj novčanoj podršci za 2012. godinu. Poljoprivredni proizvođači na TK-a nisu mogli realizovati planiranu proljetnu sjetvu u ovoj godini, te su i većinu agrotehničkih mjera – zaštite usjeva i đubrenja reducirali. Isto se to odnosi i na stočarstvo, jer je prepolovljen stočni fond usljed nedostatka stočne hrane kao i obrtnih sredstava za održavanje tekuće proizvodnje. Usljed neusvajanja budžeta TK-a za 2013.godinu poljoprivrednim proizvođačima se ne isplaćuju novčane podrške iz 2012. godine, a takođe zbog istražnih aktivnosti SIPE o realizaciji novčanih podrški Vlade FBiH iz 2011.godine i dijela isplaćenih novčanih podrški iz 2012. godine, isplata novčanih podrški poljoprivrednim proizvođačima je takođe obustavljena sa nivoa Federacije Bosne i Hercegovine. Na ovaj način još više je otežana situacija oko isplate podsticaja i time se poljoprivredne proizvođače dovodi u položaj da ih većina naće moći obaviti planiranu proljetnu sjetvu koja inače kasni u ovoj godini, stoji u informaciji koju je za sjednicu pripremio i prezentovao Suad Selimović, sekretar Udruženja za poljoprivredu i prehrambenu Kantonalne privredne komore Tuzla. Zaključeno je na sjednici Upravnog odbora Komore, da se zahtijeva od resornog kantonalnog ministarstva hitno otklanjanje prepreka u realizaciji isplate novčanih podrški poljoprivrednim proizvođačima za 2012. godinu, a sve u cilju normalizacije stanja u poljoprivrednoj proizvodnji.

D.K.

UO podržao inicijativu Udruženja...

IZRADA STRATEGIJE REKULTIVACIJE PROSTORA DEVASTIRANIH RUDARSKIM AKTIVNOSTIMA NA PODRUČJU TK

- Uključivanje šire društvene i posebno lokalne zajednice od krucijalne važnosti kako bi se počeo rješavati problem prostora devastiranih rudarskim aktivnostima -



Redovna sjednica UO Komore održana krajem maja, u jednom svom dijelu je bila je posvećena raspravi o inicijativi za izradu „Strategije rekultivacije prostora devastiranih rudarskim aktivnostima na području Tuzlanskog kantona. Nurudin Žunić sekretar Udruženja za energetiku, rudarstvo i industriju koje je pokrenulo navedenu inicijativu, u Informaciji za sjednicu je pripremio podatke vezane za površinsku eksploataciju uglja u rudnicima na području TK i uzrokovane posljedice. "Enormne količine otpadnog materijala uzrokuju iznimno nekvalitetno tlo, koje karakterizuje niska pH vrijednost, visoka električna vodljivost i povećan udio teških metala. Zbog takve geološke i hemijske strukture tlo ima izrazito negativan uticaj na kvalitet vode i rast biljaka. Nakon 150 miliona tona izvađenog uglja imamo 785.000.000 m³ otpadnog materijala, 20 preseljenih sela ili njihovih dijelova, 19 ili 20 jezera ali i oko 4400 ha degradiranog zemljišta na kojemu je nepovratno uništen sloj vegetacionog pokrivača te na taj način omogućena daljnja erozija tla, nova klizišta, klimatske i mikroklimatske promjene, praktično uništenje biodiverziteta itd. Procjenjuje se da je više od 20.000 ha zemljišta u BiH degradirano rudarskim aktivnostima te da je, na samo, 5% izvršena rekultivacija sa ponovnom upotrebom. Na području današnjeg TK kantona rekultivacija je počela u kasnim sedamdesetim godinama prošlog stoljeća u vrlo skromnom obimu, uz nedorečenu i u svemu nedovoljnu regulativu i odnos prema okolišu te nedovoljnim sredstvima, tako da do 1990. godine imamo u sukcesivnoj i ponovnoj upotrebi područja obuhvaćena sa 470 ha u Krekanskom, 75 ha u Đurđevičkom i 300 ha u Banovićkom bazenu, gdje od ukupno cca 4400 ha još uvijek imamo područja, sa više od 3600 ha degradiranog zemljišta, koja predstavljaju veliko opterećenje ali i razvojni izazov za TK", istakao je sekretar Žunić. U informaciji se apostrofirao loš odnos prema okolišu sa akcentom na prostor kao ograničeni i djelimično ili trajno nepopravljiv resurs. "Setom tzv. okolinskih zakona koji su objavljeni 2003.godine u kojima je u osnovi transponovana IPCC direktiva i stvorene pretpostavke za uvođenje principa održivog razvoja uveden je novi pravni institut, tzv. oko-

linska dozvola za postojeće, nove ali i za pogone koji prestaju sa proizvodnjom. Tako su npr. sva tri rudnika uglja na Tuzlanskom kantonu dobila okolinsku dozvolu gdje su prema (sopstvenom) "Planu aktivnosti o postupnom smanjenju emisija-zagađenja u svrhu dobijanja okolinske dozvole" predviđeni postupci kao skup mjera i zahvata tehničke, agrotehničke i biološke prirode, kojima se oštećenja zemljišta vraćaju u prvobitnu funkciju u skladu sa (predviđenim) projektom rekultivacije. Ipak, još uvijek nedovoljno izgrađena zakonska regulativa uz perspektivno (dugoročno) nepovoljnu ekonomsku situaciju te uz inercijalnost dvadesetogodišnjeg nerješavanja problema, ne daju nadu da će se rekultivacije, do sada devastiranih zemljišta u skoro vrijeme realizirati iako je to prema postojećoj regulativi obaveza rudnika koji su ionako preopterećeni raznim nametima u domenu od previsokih poreza, doprinosa, koncesija pa do socijalne problematike sa činjenicom da smo jedna od malobrojnih država koje ne daju sistematsku potporu rudnicima", stoji u informaciji koju je pripremio Nurudin Žunić sekretar ovog komorskog Udruženja. Istaknuto je da je Odbor Udruženja raspravljao o ovoj temi, donio zaključak da je uključivanje šire društvene i posebno lokalne zajednice od krucijalne važnosti kako bi se počeo rješavati problem prostora devastiranih rudarskim aktivnostima. Donesen je zaključak da je potrebno početi rješavati problem remedijacije ili barem tehničke rekultivacije prostora koji su devastirani rudarskim aktivnostima i predložena je da se svi nivoi vlasti uključe u izradu "Strategije remedijacije odnosno rekultivacije prostora devastiranih rudarskim aktivnostima na Tuzlanskom kantonu". Upravni odbor je podržao Inicijativu Udruženja da se formira ekspertni tim koji bi pristupio izradi Nacrta jedne ovakve strategije. Zaključeno je da se uputi zahtjev u kojem se traži od nadležnih institucija da pokrenu aktivnosti na rješavanju navedenog problema te da podrže ovu inicijativu privrednika organizovanih u ovo komorsko Udruženje.

D.K.



UO raspravljao o upisno politici...

NACRT PREPORUKE ZA OBRAZOVNU UPISNU POLITIKU NA PODRUČJU TUZLANSKOG KANTONA

- Nakon što je podržan dokument i dat prilog Nacrtu, i UO Komore podržao Rezime održane rasprave -



Upoznati su članovi UO Komore sa rezimeom rasprave koja je vođena u komori o Nacrtu preporuku za obrazovnu upisnu politiku na području TK. Riječ je o dokumentu čiju izradu je iniciralo Ministarstvo obrazovanja, nauke, kulture i sporta TK a u cilju usklađivanja potreba tržišta rada i upisne politike u srednjem i visokoškolskom obrazovanju u Tuzlanskom kantonu. Jorgovan Begić dopredsjednik Komore, prezentovao je Rezime članovima UO koji su iznijeli u raspravi svoje stavove vezane za navedenu problematiku. Analizirane su iznesene primjedbe i sugestije i data je podrška Rezimeu koji je upućen Vladi TK, a koji u cijelosti prenosimo:

- u osnovi iz materijala bi trebalo da proisteknu odluke u šta ulagati javni novac kad je u pitanju obrazovanje, jer se postavlja pitanje koja Vlada ima opravdanje da ulaže sredstva u profile koji sutra neće naći posao i koji nisu interesantni privredi. Ili, da se ta sredstva preusmjere u kadrove i zvanja koja će imati šansu da nađu posao;
- Univerzitet u Tuzli treba da sagleda koje smjerove i odsjeke ne mogu finansirati iz javnih sredstava i treba ih postepeno ukinuti ili ostaviti pravo da se student opredjeljuje u pogledu participacije i sl.;
- Nacrt materijala je kvalitetan i on nudi 2 varijante. Senat Univerziteta je navodno prihvatio prijedlog da se opredjeli za varijantu 2 u kome će i dalje biti redovni, studenti za vlastite potrebe i vanredni studenti;
- da se u materijal ugradi ukupan broj potencijalnih studenata gimnazijalaca i drugih četverogodišnjih škola na Tuzlanskom kantonu;
- da se sagleda mogućnost, da student sklopi ugovor

sa Univerzitetom, a Univerzitet sa ministarstvima a što je predviđeno zakonom, kako bi se neposredno riješili odnosi između studenata i Univerziteta, odnosno Univerziteta i ministarstava;

- treba u materijalu ažurirati podatke o broju nastavnika, jer je promjenjeno stanje nastavnog osoblja na fakultetima, veća je popunjenost sa kadrovima u odnosu na prethodni period;
- Razmatrani materijal ide u pravcu orijentacije prema tržištu rada. Škole obrazuju tradicionalno iste profile, a privredi je potrebno nešto drugo. Treba da se vidi šta je interes direktora srednjih škola, fakulteta, odnosno treba gledati koja su zanimanja fleksibilna i izvući parametre mjerljivosti ukupne obrazovne populacije na Tuzlanskom kantonu;
- o upisnoj politici fakulteta i škola ne možemo govoriti izolovano;
- pitanje kvaliteta studenata da se napravi analiza koliko je npr. nezaposlenih ekonomista i pravnika sa državnih i privatnih fakulteta;
- kroz radno zakonodavstvo vezati za upisnu politiku, kako pitanje penzionisanja, zbrinjavanja radno nesposobnih iz privrede, povećati stepen zaposlenosti kroz otklanjanja rada na crno i sl.;
- škole i fakulteti nemaju interesa za praksom, naročito za laboratorijske modele kao i druge primjenjive metode što nude privredni subjekti (TE Tuzla i slično);
- stručne škole približiti pod hitno privredi jer ovakav sistem je neodrživ i svršeni maturanti nemaju šanse da rade i da se zapošljavaju u zemlji i inostranstvu;
- ukazano je da koordinatori uopšte ne postoje, niko ne koordinira između škole i subjekata da vide gdje učenici imaju praksu, nema programa koji planiraju da se učenici obrazuju ili da usaglasa sa privrednim subjektima kako će ih obrazovati, naročito izraženo u mašinskoj, elektro i građevinskoj struci;
- privredni subjekti u budućnosti neće dobiti učenike iz škole, pa čak i sa fakulteta koje će moći odmah zaposlit i dati mu radne zadatke. Škole trebaju odvojiti učenike koje će naučiti kako se najlakše usvaja znanje i dati akcenat da tržište rada određuje koji su profili zanimanja prioritet u privredi i tome dati prednost;
- sagledati tehnološki višak nastavnog kadra u srednjim školama i iznaći adekvatno rješenje, a ne upisati učenike u škole koje nemaju perspektivu u zapošljavanju na Tuzlanskom kantonu i BiH i koji se najbrojnije vode na Zavodu za zapošljavanje;
- da se u srednjim školama i fakultetima kao glavni predmet uvede poduzetništvo.

Nakon rasprave, privrednici koji sačinjavaju Upravni odbor Komore, dali su podršku Nacrtu Preporuke u obrazovnoj upisnoj politici na području Tuzlanskog kantona.

D.K.



Rasprava u Komori...

NACRT PROSTORNOG PLANA OPĆINE TUZLA ZA PERIOD 2006-2026. GODINE

- - *Privrednici upoznati sa dokumentom – Obuhvata sve segmente života i rada stanovništva – Napredak u svim oblastima – Važan, strateški, krovni dokument za općinu* -

U Kantonalnoj privrednoj komori Tuzla organizovana je rasprava o Nacrtu Prostornog plana općine Tuzla za period 2006-2026. godine. Riječ je o dokumentu koji su izradili Jasmin Imamović načelnik Općine Tuzla i Služba za prostorno uređenje i zaštitu okolice Općine Tuzla a čiji je nosilac izrade Upravna organizacija Zavoda za urbanizam Općine Tuzla.



„Organizovali smo skup sa ciljem da se privrednici sa područja Općine Tuzla upoznaju sa ovim dokumentima, sa planovima vezanim za prostorno uređenje. Također, bila je ovo prilika privrednicima i da na raspravi iznesu svoje mišljenje, da sugerišu, da iznesu svoje eventualne zamjerke kako bi se došlo do što boljih rješenja. Raspravi su prisustvovali svi predstavnici granskih djelatnosti sa područja općine Tuzla i veoma smo zadovoljni odzivom i kvalitetom rasprava. Stručni konsultatni su prezentovali ovaj nacrt kako bi se učesnici u raspravi što bolje upoznali sa planovima prostornog uređenja. Privrednici su se odazvali našem pozivu, uzeli su učešće u raspravi i sve iznesene stavove će predstavnici Službe za prostorno uređenje i zaštitu okoline i Upravne organizacije zavoda za urbanizam Općine Tuzla uzeti u razmatranje“, rekao je Jorgovan Begić dopredsjednik Kantonalne privredne komore Tuzla.



Za realizaciju ovog značajanog projekta, po oblastima je formiran stručan Radni tim kojim rukovodi Indira Sofić dipl. ing. arhitekture iz Zavoda za urbanizam, voditelj izrade Plana. „**Prostorni plan je veoma složen dokument, strateški dokument za našu općinu. Zadatak ovog dokumenta je da rezerviše sve potrebne namjene u prostoru za budući razvoj općine. Polazi od planiranog broja stanovnika, saobraćaja, naselja, društvene infrastrukture, privrede pa sve do zaštite okolice. Ne postoji, dakle, niti jedan segment života i rada stanovništva na koji se bar u jednom dijelu ne osvrće ovaj dokument. Ono što se može izdvojiti kao strateški važno što tretira ovaj dokument, jeste saobraćajna infrastruktura uključujući povezanost Tuzle sa regijom. U cilju rasterećenja tranzitnog saobraćaja predvidjeli smo južnu i sjevernu obilaznicu, južna saobraćajnica doživljava svoj planski nastavak i na istok i zapad. Što se tiče urbanih područja, prošireno je centralno urbano područje „Tuzla grad“, utvrđena su još dva nova urbana područja. Puno je segmenata u Prostornom planu koji su predviđeni a koji predstavljaju značajan napredak u svakoj oblasti. Značajno je istaći da strateški dokumenti ovog tipa planiraju razvoj za narednih dvadeset godina. Prostorni plan je za budući razvoj značajan iz tih razloga što on u okviru svoje odluke o provođenju, daje i uslove za izgradnju i uređenje prostora. Ovo je veoma važan dokument i mi ga zovemo krovni dokumentom za našu općinu**“, izjavila je Indira Sofić voditelj izrade Plana.

D.K.



Predstavljamo novu članicu Komore...

PROIZVODI „ELEGANCE“ U HRVATSKOJ, SRBIJI, CRNOJ GORI, HOLANDIJI, NJEMAČKOJ...

- Fabrika namještaja „Elegance“ Tuzla, poslovna jedinica firme „Alen Co“ Tuzla -



Proizvođači namještaja su prilično pogođeni stanjem u kojem se naša industrija prerade drveta u vremenima recesije. Ipak, svijetlih primjera ima u našem pokruženju. Jedan takav je i Fabrika namještaja „Elegance“ koja posluje u sastavu firme „Alen Co“ Tuzla. Vlasnik i direktor Alen Jahić, alfa i omega, pokretačka snaga, idejni tvorac, vrijedni pregalac za primjer drugima zadovoljan je postignutim. Direktor koji prvi dolazi na posao i posljednji napušta firmu, i u teškim vremenima zrači optimizmom i smatra da je otvoreno još puno mogućnosti i da može biti bolje. „Analizirali smo u firmi naše poslovanje u prethodnih nekoliko godina. Zadovoljni smo, pokazatelji su dobri, recimo da smo samo u jednoj godini izvezli više od 2 miliona KM naših proizvoda, da smo u jednoj godini uplatili 475.000KM za PDV. Sve su to podaci koji govore da se može raditi i da se dobro radi. Najveća naša satisfakcija jeste to što su nam radnici zadovoljni, imaju solidna primanja, sve obaveze prema državi i sve doprinose za radnike redovo uplaćujemo i osjeti se zadovoljstvo“, rekao je direktor Jahić. Ipak, u razgovoru sa ovim mladim poduzetnikom, čovjekom koji je puno toga napravio svojim rukama, koji i danas zna ući u proizvodnju i napraviti u djelo jednu od brojnih ideja, osjeti se jedna doza umora. Umor zbog ne prepoznavanja borbe da svima bude bolje, umor što se ne nalazi na razumijevanje kod onih koji bi trebali učiniti da svima zajedno bude mnogo bolje.



„Ne shvatljivo je da smo umjesto da povećavamo proizvodnju, broj radnika, pogone, prodajne objekte, došli do situacije da smanjujemo broj radnika. Smanjujemo zbog poznatih stvari koje se ne rješavaju u ovoj državi, to je nelojalna konkurencija, to je nekorektno ponašanje

inspekcija, selektivno obilaženje firmi, da ne kažemo naručeno. Sva ta silna opterećenja su dovela do toga da smo bili prisiljeni smanjiti broj zaposlenih a nekada smo poslovali sa 108 zaposlenika. Direktno je to udar na punjenje budžeta ali svi mi koji radimo korektno, svi mi koji smo naučili da radimo da se borimo ali i da redovno ispunjavamo svoje obaveze, postajemo pomalo umorni. Nemamo razumijevanja, nemamo podrške, čak ni kurtoazne posjete predstavnika vlasti. Jedinu posjetu koju bilježimo u našoj fabrici, proizvodnom pogonu, jeste posjeta bivšeg predsjednika Hrvatske Stipe Mesića. Ne tražimo novac, tražimo da se zaštiti naša proizvodnja, da nas se rastereti kada su u pitanju nameti, da nam se olakša da radimo, da punimo budžet, da otvaramo nove pogone, zapošljavamo više radnika i opet djelujemo za opće dobro“, ističe direktor Jahić problem koji već dugo i često slušamo u razgovorima sa poduzetnicima.



Inače, osam godina je kako Fabrika proizvodi visoko kvalitetne proizvode. Riječ je o tapaciranom namještaju, ukupno oko 20 artikala, za koji se sve komponente proizvode u fabrici „Elegance“. Pogon je opremljen savremenim mašinama za obradu drveta, šivanje materijala, obradu spužve i sve ostalo što je potrebno da proizvodi od bukovine, hrastovine, jelovine, dobiju konačan, savremen izgled i postojan kvalitet. Proizvodi se uglavnom za poznate kupce i proizvodi sa oznakom „Elegance“ su danas u više od 70 prodajnih salona u Bosni i Hercegovini i oko 10 salona u Hrvatskoj, Srbiji, Crnoj Gori, Holandiji, Njemačkoj. Trenutno je aktuelna izrada kopija modela „Bretz“ i „Rolf Benz“. To su nešto ekskluzivniji modeli, nešto skuplji ali su veoma kvalitetni, prepoznatljivi i rijetki na našem tržištu. Sve ovo može biti pozivnica i onima koji žele da se uključe u zdrave i pozitivne tokove, da u partnerskom odnosu nastave širenje fabrike koja je na stabilnim i zdravim nogama. Nažalost, sve je više privrednika, poduzetnika koji su sposobni, sa idejama, otvoreni za saradnju, za nove iskorake, koji usporavaju te korake, koji postaju umorni od pokušaja da stvore okruženje kakvo je potrebno za normalan rad, kakvo uostalom jeste u mnogim zemljama i kakvo bi trebalo da bude i kod nas...

D.K.



Razgovor s povodom...

„FANA“ NA SKORO SVIM KONTINENTIMA

- - Nove medalje, nova potvrda kvaliteta – Afirmacija i jačanje pozicije na tržištu – Zado-
voljni sajamskim nastupima sa Komorom – Uskoro nova proizvodna linija:
DOMAĆI VOĆNI SOKOVI -

„Fana“ Srebrenik firma za preradu i konzer-
viranje voća i povrća, članica Kantonalne
privredne komore Tuzla, i ove je godine poslala
svoje proizvode na ocjenu kvaliteta, sastavni
dio predstojećeg 80. međunarodnog poljo-
privrednog sajma u Novom Sadu. Stručna
komisija svake godine po tradiciji na nešto
više od mjesec pred početak ove možda i
najznačajnije sajamske manifestacije u širem
regionu kada je u pitanju poljoprivreda, oba-
vi ocjenu kvaliteta proizvoda pristiglih na
takmičenje. Među mnogobrojnom konkuren-
cijom „Fana“ Srebrenik je osvojila zlatnu i veli-
ku zlatnu medalju za svoje proizvode: Marme-
lada marelica i Miješana marmelada. Upravo
ovo priznanje i još jedan uspješan sajamski
nastup, bili su povod za razgovor sa Nazifom
Džafićem vlasnikom firme „Fana“ Srebrenik.



K.I.: Zadovoljstvo je izvijestiti čitaoce Komorskog informatora o uspjesima firmi, naših članica. Uz čestitke za osvojene medalje, interesuju nas i detalji, od apliciranja na takmičenje do ocjena žirija.
N.Dž.: „Odlučili smo još početkom ove go-
dine da apliciramo na procjenu kvaliteta
proizvoda u okviru 80. međunarodnog poljo-
privrednog sajma u Novom Sadu. Vodi-

la nas je želja da i na taj način pokušamo
doći do potvrde kvaliteta naših proizvoda,
da pokažemo našim kupcima čime se bavi-
mo, šta i kako radimo. U martu smo još, pod
određenim oznakama kako pravila nalažu,
prosljedili naše proizvode komisiji za ocjenu
kvalitete. Nakon što su obavljene uobičajene
procedure, renomirani stručnjaci iz Insti-
tuta za poljoprivredu Novi Sad, a koji su
činili Stručni žiri, donijeli su svoj sud, dali
ocjene i uslijedila je dodjela priznanja“.

K.I.: Osvojena priznanja su nastavak vaših stalnih napora da dokažete kupcima visoku razinu kvaliteta vaših proizvoda. Zsigurno su ocjene na jednom od najznačajnijih događaja u širem regionu, ocjene priznatih stručnjaka, doveli do afirmacije na tržištu i jačanju pozicije.

N.Dž.: „Upravo tako, ovo nije prvi put da
smo osvojili medalje i dobili potvrdu visokog
kvaliteta našeg proizvoda. Dobili smo nagrade
u asortimanu proizvoda od povrća, zlatnu
medalju za naš krastavac kornišon te veliku
zlatnu medalju za marmeladu šipurak. Treću
godinu osvajamo medalje i veoma je značajno
dobiti potvrde u Srbiji koja je najsnažnija u
regiji kada je u pitanju proizvodnja hrane“.

K.I.: Sve se to dešava na sajamskim manifestacijama na kojima je „Fana“ skoro pa redovno prisutna. Značajan je faktor i zajedničke sajamske postavke koju pod nazivom „Privreda TK“, na brojnim sajamskim priredbama u zemlji i inostranstvu organizuje Kantonalna privredna komora Tuza.

N.Dž.: „Sajamske aktivnosti su veoma
značajne i sve pohvale upućujemo našoj ko-
mori koja ulaže napore da nam omogući nas-
tup i da nas što bolje predstavi. Sarađujemo
sa Kantonalnom privrednom komorom Tu-
zla, reklo bi se, na obostrano zadovoljstvo
i za pohvalu su naponi koje uposlenici Ko-
more čine da nam pomognu u uspostavljanju
novih kontakata, istupa na nova tržišta i u



našoj zemlji ali i u zemljama okruženja gdje se organizuje veoma kvalitetna zajednička postavka, u pronalasku potencijalnih partnera. U ovim teškim vremenima za privredu, ovakav vid pomoći je od velike koristi.



K.I.: Je li sve to doprinijelo kvalitetnijem plasmanu proizvoda na tržišta i zemalja regiona ali i van Evrope?

N.DŽ.: "Naravno, mi već više od deset godina izvozimo naše proizvode a u posljednjih pet godina izvozimo oko 50% naše ukupne proizvodnje. Najviše izvozimo na tržišta Hrvatske, Slovenije, jednim dijelom na tržište Evropske unije. Od prošle godine izvozimo u Sjedinjene američke države, Kanadu, Australiju. Ove godine novost je izvoz u Saudijsku Arabiju. To je rezultat pregovora koji traju više od jedne godine. Oni su veoma zadovoljni kvalitetom naših proizvoda i spreman je prvi kontigent robe. S tim u vezi, mi smo obezbijedili i sve potrebne certifikate bez kojih nije moguć izvoz, pa smo završili implementaciju standarda ISO, HACCP I Halal.

K.I.: Ako su proizvodi sa oznakom „Fana“ Srebrenik kvalitetni za tržišta skoro svih kontinenata, a medalje i nagrade potvrđuju da jesu, da li su dovoljno kvalitetni za domaće tržište i šta uraditi da Bosanci i Hercegovci kupuju domaći proizvod?

N.DŽ.: "Da bi Bosanci i Hercegovci kupovali domaći proizvod, proizvod im mora biti dostupan prije svega. Mi smo to ostvarili putem domaćih trgovačkih lanaca i moramo istaći da imamo izvanrednu saradnju, da smo zadovoljni zastupljenošću ali i prodajom naših proizvoda koja ima uzlaznu putanju

iz godine u godinu. Ipak, nismo zadovoljni činjenicom da strani trgovački lanci, kojih ima puno u našoj zemlji, kupcima ne nude domaće proizvode nego forsiraju proizvode koji dolaze upravo iz zemalja iz kojih potiču i ti trgovački lanci. To nas dovodi u nezavidan položaj i otežava funkcionisanje svih domaćih proizvođača. Problem predstavlja i nelojalna konkurencija koju u prehrambenom sektoru predstavlja uvozni lobi. Damping cijenama se konstantno prave poremećaji na tržištu i svemu tome se jako teško oduprijeti. S druge strane, kada je u pitanju podrška domaćim prerađivačima voća i povrća, generalno prehrambenoj industriji, ona je skoro nikakva za razliku od stranih zemalja koje snažno pomažu i konstantno podupiru svoju proizvodnju. Proizvođači u inostranstvu su u prilici da koriste sredstva ili iz fondova svojih zemalja ili iz fondova Evropske unije pa su samim tim u povoljnijem položaju nego mi". Razgovor je završen porukom da Bosna i Hercegovina ima kapacitete, ima znanje, ima mogućnosti, ali kvalitetnija proizvodnja, razvoj privrede, zahtijevaju zaštitu domaće proizvodnje, zaštitu tržišta, zaštitu granica koju treba i mora ponuditi država. Dok se to očekuje, u „Fani“ Srebrenik, u ovim veoma teškim vremenima, uz nove medalje i nagrade, uz osvajanja novog tržišta, planiraju i pokretanje nove proizvodne linije. Riječ je o proizvodnoj liniji voćnih sokova od domaće sirovine, domaće, zdravo i kvalitetno, možda već do kraja godine...

Razgovarao:
Dino Kalesić



FANA D.O.O.

Prerada i konzerviranje voća i povrća
75350 Srebrenik,
Bosna i Hercegovina
www.fana.co.ba
fana.doo@gmail.com
00387/ 35 694 099
00387/ 35 694 159





Nagrađeni proizvodi Mesne industrije...

MEDALJE "MENPROMU" U NOVOM SADU

- Dvije medalje za konzervirane proizvode -



Mesna industrija Menprom se sa 80. Međunarodnog poljoprivrednog sajma u Novom Sadu vratila bogatija za još dvije medalje koje je osvojila za svoje konzervirane proizvode. Goveđi narezak Premi osvojio je zlatnu, a kokošija pašteta Pollo je osvojila bronzanu medalju. Ova dva proizvoda „Menproma“ dobila su nagradu u kategoriji ocjenjivanja kvaliteta u robnoj grupi „Meso i proizvodi od mesa“. Ovim priznanjima se nastavlja tradicija osvajanja medalja za kvalitet proizvoda kompanije Menprom, koja je i prethodnih godina na Međunarodnom sajmu poljoprivrede u Novom Sadu osvajala medalje - zlato za pileći parizer Pollo, bronzu za pileću hrenovku Pollo, zlato za Premi bosanski pršut i srebro za Premi goveđi kulen. Iz kompanije Menprom ističu: „Značaj osvojenih medalja je još veći s obzirom da se radi o novim proizvodima koji su na tržištu prisutni tek od januara ove godine, a već smo uspjeli dostići vrhunski kvalitet, koji je, osim naših potrošača, dobio i potvrdu od jednog od najjačih regionalnih sajmova poljoprivrede kao što je Novosadski sajam. Ovakva priznanja pokazuju da se uporan rad i rad na kvalitetu proizvoda, od čega mi u „Menpromu“ ne odustajemo ni u vrijeme kada se na tržištu nudi sve i svašta, ipak isplati“, stoji u saopćenju iz firme „Menprom“ Tuzla.

Šta je CBC karta?

CRVENO-BIJELO-CRVENA KARTA

- Ko može aplicirati na program crveno-bijelo-crvene karte? -



Novim austrijskim zakonom o zapošljavanju stranaca, od 1. jula 2011. godine, izmjenjeni su kriteriji za ostanak stranih državljana u ovoj zemlji. Jedna od novina jeste i pokretanje programa „Crveno-bijelo-crvena karta“ putem kojeg se omogućava pravo na rad i boravak u Republici Austriji. Opširnije o tome šta je CBC karta, ko, kako i po kojim kriterijima može aplicirati na program crveno-bijelo-crvene karte na dokumentu CBC, moguće pogledati na web stranici Komore: www.kpktz.ba.

Potvrda kvaliteta usluga

BATA CERTIFIKAT O AKREDITACIJI

- Rudarskom institutu BAS EN ISO/IEC 17025:2006 -



Laboratorije Rudarskog instituta dd Tuzla su iz Instituta za akreditiranje BATA dobili certifikat o akreditaciji. Ovim dokumentom je potvrđeno da Rudarski institut ispunjava zahtjeve standarda BAS EN ISO/IEC 17025:2006 u pogledu osposobljenosti za izvođenje mehaničkih ispitivanja, ispitivanja u građevinarstvu i mjerenju okolinske buke. "Certifikat o akreditaciji potvrđuje kvalitet naših usluga ali nas i obavezuje na kvalitetniji rad i stalna poboljšanja usluga!", izjavio je Eldar Pirić, direktor Rudarskog instituta dd Tuzla. Certifikat o akreditaciji BAS EN ISO/IEC 17025:2006 moguće pogledati na web stranici Komore: www.kpktz.ba.



Novosti iz firme članice Komore...

KREIRANA ANDROID APLIKACIJA

Prateći svjetsku dinamiku poslovanja kao i razvoj najsavremenijih tehnoloških rješenja, NLB Banka je kreirala android aplikaciju koju klijenti Banke, ali i ostali zainteresovani građani, mogu preuzeti sa web stranice Banke i putem Play store-a (market za android). „Implementacijom nove usluge, NLB Banka nastoji dodatno unaprijediti i optimizirati saradnju sa svojim klijentima. Ova usluga, napravljena u vidu android aplikacije, koja se koristi na mobilnim telefonima, klijentima će omogućiti pravovremen i jednostavan pristup svim aktuelnostima i aktivnostima Banke, pružiti geografski relevantne informacije o poslovnica i bankomatima Banke, kao i informacije koje su značajne za njihovo poslovanje sa Bankom, saopćila je agencija Pristop.bh. Aplikacija će se unaprijeđivati sa novim mogućnostima i informacijama u narednom periodu, a korisnici je mogu besplatno preuzeti sa web stranice Banke ili Play store-a (market za android)", naglasio je direktor Cen-

tra retail NLB Banke, Ademir Salkić. U skladu sa modernim bankarskim trendovima, a u cilju jačanja savremenih kanala distribucije usluga, NLB Banka je proširila i svoju ponudu u domenu kartičnog poslovanja, te je karticama sa odgođenim plaćanjem – MasterCard Charge omogućena usluga „Kupovina na rate“. Sa ovom novom funkcionalnošću MasterCard Charge kartice, klijenti mogu obavljati plaćanje roba i usluga od 2 do 12 jednakih rata. Usluga "Kupovina na rate" je vrlo jednostavna, jer ne zahtijeva dodatnu dokumentaciju, niti dodatne troškove za krajnjeg korisnika kartice. Klijenti karticu mogu koristiti na prodajnim mjestima označenim naljepnicom NLB Banke »Kupovina na rate«. Posebna pogodnost za nove korisnike ove, kao i ostalih kreditnih kartica NLB Banke, u akciji do 30.06.2013. godine, je da su bez troškova upisnine i 50% troškova članarine za prvu godinu korištenja.

Povezane važne destinacije...

ZRAČNI MOST TK – EVROPA

- MAT, Ministarstvo i Wizz Air povezuju privrednike -



Potpisivanjem ugovora između Međunarodnog aerodroma Tuzla i najveće nisko-tarifne avio kompanije u centralnoj i istočnoj Evropi - Wizz Air planirano je uspostavljanje zračnog mosta između Tuzlanskog kantona i značajnih destinacija u Evropi. To je izuzetno značajna prilika za brže i kvalitetnije povezivanje privrednika ovog regiona sa privrednicima zemalja sa kojima se na ovaj način povezuje kanton: skandinavske zemlje - Švedska, Danska, Norveška preko linije za Malmo i Gothenburg te Francuska, Švicarska i Njemačka preko linije za Basel-Mulhouse.

Imajući u vidu izuzetno konkurentne cijene avionskih karata na ovim letovima Ministarstvo trgovine, turizma i saobraćaja TK, Međunarodni aerodrom Tuzla i avio kompanija Wizz Air očekuju veliki interes privrednika i putnika sa ovog dijela Balkana. Očekivani promet u prvoj godini je 60.000 putnika prevezenih preko Međunarodnog aerodroma Tuzla. Red letenja Wizz Aira iz Tuzle moguće pogledati na web stranici Komore: www.kpktz.ba.

Saradnja privrednih komora...

BIZNIS PLAN - OD IDEJE DO PROJEKTA

- Edukativni seminar za 60 učesnika -



Privredna komora Bosansko-podrinjskog kantona u saradnji sa kantonalnom Vladom koja ja finansirala projekat i Kantonalnom privrednom komorom Tuzla, na temu organizovala je edukativni seminar na temu "Biznis plan - od ideje do projekta". Edukativni semi-

nar za osposobljavanje poduzetnika, obrtnika, mladih visokoobrazovanih nezaposlenih osoba, uposlenika u raznim oblastima turizma, malog i srednjeg obrta, poljoprivrede, raznim vladinim i nevladinim organizacijama, privrednih asocijacija, zanatstvu i uslugama, okupio je 60 učesnika, uglavnom mladih, visokoobrazovanih, nezaposlenih ljudi. Na treningu su detaljno i praktično obrađeni svi elementi dobrog biznis plana od njegove poslovne ideje, konkretne izrade biznis plana pa do praćenja njegove realizacije, te obezbjeđenja finansijskih sredstava sa potrebnom finansijskom dokumentacijom za eventualnu dodjelu kredita. Cilj ovog veoma zanimljivog i korisnog seminara je bio razviti svijest o potrebi samozapošljavanja i obučiti polaznike da razviju svoju poslovnu ideju, pretvore je u biznis plan i pokrenu biznis. Učesnici ali i predstavnici vlade, su seminar ocijenili veoma uspješnim i istakli želju za daljnjom saradnjom sa predavačima iz Kantonalne privredne komore Tuzla.



Redovne aktivnosti komorskih udruženja...

ODRŽANE SJEDNICE ODBORA

- Sjednice Odbora održane u okviru Udruženja za komunalnu privredu i Udruženja za hemiju i nemetale Kantonalne privredne komore Tuzla -

Udruženje za komunalnu privredu Kantonalne privredne komore Tuzla, održalo je sjednicu Odbora u okviru redovnih aktivnosti Udruženja. Razgovaralo se o aktuелnoj problematiki vodosnabdijevanja na području Tuzlanskog kantona. I Udruženja za hemiju i nemetale je upriličilo sjednicu Odbora na kojoj se razgovaralo o projektima otpadnih tokova Sisecam sode Lukavac. Na oba skupa je privrednicima kroz prezentaciju koju su pripremili predstavnici firme „Borplastika Eko“ Tuzla, članice komore, predstavljena tema „Tretman otpadnih voda“.

UREĐAJI ZA PROČIŠĆAVANJE OTPADNIH VODA - BUDUĆNOST POSTOJI



15th BORPLASTIKA
godino



Prezentujući ovu značajnu temu, Irđin Imamović direktor firme „Borplastika EKO“ doo Tuzla je istakao kako razvoj naselja i povećanje standarda stanovništva uvjetuju zagađenje čovjekove okoline, a među najteže oblike zagađenja svakako ubrajamo i zagađenje voda. Potrošnja vode za razne potrebe postaje sve veća što uzrokuje i porast količina otpadnih voda. Ovakvim trendom porasta zagađenja voda značajno se ugrožava čovjekova životna sredina. **„Uzmemo li u obzir činjenicu da spomenuta naselja danas ne raspolažu sa ispravnim sanitarno-tehničkim rješenjem odvodnje otpadnih voda, neophodno je pristupiti izgradnji jedinstvenog sistema odvodnje i pročišćavanja otpadnih i zagađenih voda što je nužan korak prema očuvanju zdrave čovjekove okoline i jedan od osnovnih preduvjeta daljnjeg razvoja čitavog razmatranog područja. Danas u nekim dijelovima razvijenih i nerazvijenih dijelova naselja/gradova ne postoji izgrađena kanalizacija već se odvodnja rješava individualno ispuštima u cestovne jarke, a dio izvedenih kanalizacijskih sistema se ulijeva direktno u vodotoke. Takvo rješenje ne**

zadovoljava današnje potrebe i standarde kako na području stanovanja, tako i na području zaštite voda. Odvodnja fekalnih voda također je dijelom rješena septičkim jamama ili direktnim ispuštanjem u otvorene oborinske kanale. Oborinska odvodnja riješena je pomoću otvorenih oborinskih i cestovnih kanala. Većina ovih kanala je zamuljena tako da je smanjen proticajni profil, pa nakon kišnih razdoblja dolazi do zadržavanja vode i taloženja čestica što uzrokuje širenje smrada u neposrednu okolinu. Odvodnja oborinskih i otpadnih voda smatra se jednom od najbitnijih komunalnih funkcija gradova. Mnogi gradovi i naselja danas imaju sistem odvodnje koji nije cjelovit (u smislu pokrivenosti čitavog područja grada kanalizacijskim sustavom kojim bi se otpadne vode transportirale na lokaciju uređaja za pročišćavanje), a nije izgrađen niti uređaj za pročišćavanje otpadnih voda u kojem bi se nakon odogovarajućeg tretmana postigli parametri koji bi dopustili ispuštanje obrađenih otpadnih voda u vodotok“, naglasio je direktor Imamović. Kako je istakao u



prezentaciji, upravo iz navedenih razloga razvidno je da je za kvalitetno obavljanje komunalne djelatnosti odvodnje i pročišćavanja otpadnih voda gradova i naselja, kao i postizanje višeg standarda zaštite voda, nužno pristupiti izgradnji cjelovitog sistema odvodnje, posebno, uređaja za pročišćavanje otpadnih voda.



Inače, firma "Borplastika EKO" doo Tuzla počela je sa radom 2011. godine, kao firma kćer "Borplastike" iz Kneževih Vinograda. Projektovanje i izrada uređaja za pročišćavanje otpadnih voda iz ove firme, baziraju se na smjernicama koje nalaže i normama koje priznaje Evropska unija. "Uz svaki isporučen uređaj kupac dobija i Potvrdu kvalitete, a samo atestiranje vrše institucije nadležne za obavljanje te djelatnosti. U cjelokupno poslovanje naše firme implementiran je i integrisan sistem upravljanja kvalitetom i okolinom u skladu sa međunarodnim standardima ISO 9001:2008 i ISO 14001:2004. Visoka razina kvaliteta naših proizvoda i uspjehnost poslovanja same firme rezultat su znanja i predanosti naših uposlenika, kao i truda uloženog u neprekidno usavršavanje tehnologije proizvodnje. U želji da zahtjevi i potrebe krajnjeg korisnika naših proizvoda u potpunosti budu ispoštovani, izradili smo uređaje druge generacije (separatori ulja, separatori masti, biološki uređaji za pročišćavanje sanitarno-fekalnih otpadnih voda). Kvalitet finalnog proizvoda, te poštivanje zadatih rokova, pridržavanje pravila poslovne etike, te očuvanje i zaštita okoline, osnovne su vrijednosti na kojima se temelji poslovanje naše firme, naša prošlost, sadašnjost i budućnost", izjavila je Maja Hodžić, office manager u firmi "Borplastika EKO" doo Tuzla.

U predstavljenju firme i onoga čime se ovaj privredni subjekt bavi, na oba skupa je rečeno kako je još prije 16 godina firma Bor-plastika doo iz Kneževih Vinograda, uvidjela objektivnu potrebu tržišta, te u tom pravcu i razvijala svoj proizvodni program koji obuhvata širok spektar proizvoda, a akcenat se stavlja na uređaje za tretman otpadnih voda i to sanitarno-fekalnih, oborinskih i industrijskih. **"Naš proizvodni program obuhvata sljedeće skupine uređaja: bazeni i bazenska tehnika, sabirne jame, biološki pročištači (aerobno-anaerobni, SBR uređaji, FBR uređaji, membranska filtracija), daljinski nadzor i upravljanje, UV dezinfekcija i hemijski tretman, kompostiranje, separatori lakih tekućina (separatori masti i separatori ulja - gravitacijski, sa koalescentnim filterom, sa sorpcijskim filterom, te sa koalescentnim i sorpcijskim filterom, separatori ulja sa bypass-om), sigurnosni zatvarač, okno za uzorke i skimmer za ulje, sigurnosni uređaji, vodomjerna, prepumpna i revizijska okna, drenažne kanalice, nidaplast blokovi, uređaji za akumuliranje i korištenje kišnice, spremnici za prehrambenu i hemijsku industriju, pontoni, ponton - Sojenica, izrada deponija - lagune, sistemi za pročišćavanje zra-ka, sistemi za pročišćavanje industrijskih otpadnih voda, sistemi za pročišćavanje otpadnih voda u prehrambenoj industriji, mehanički predtretman otpadnih voda, neutralizacija i cijevni mješač, flotacija, uređaji za pripremu polielektrolita i autopraonice"**, istakao je na kraju prezentacija direktor Irđin Imamović. Na kraju treba istaći da je firma "Borplastika EKO" doo Tuzla od ućlanjenja u Komoru, redovan učesnik zajedničke sajamske postavke koju pod nazivom "Privreda TK" u zemlji i inostranstvu organizuje Kantonalna privredna komora Tuzla.

Prezentacija u Komori**„TRETMAN SANITARNIH (FEKALNIH) I TEHNOLOŠKIH OTPADNIH VODA“**

- "Wasserunion" Leipzig - ekonomičnost, pouzdanost, kvalitet, niži troškovi, najbrža moguća provedba projekta, garancija 10 godina -



Kantonalna privredna komora Tuzla u saradnji sa Wasserunion GmbH organizovala je prezentaciju pod nazivom „Tretman sanitarnih (fekalnih) i tehnoloških otpadnih voda“. Wasserunion GmbH sa sjedištem u Leipzigu u Njemačkoj, pripada grupi vodećih firmi u razvoju i realizaciji modularnih postrojenja za prečišćavanje komunalnih i industrijskih otpadnih voda. Njihovi moduli su finansijski povoljnija alternativa za područja u kojima je centralno prečišćavanje otpadnih voda teško tehnički izvodivo ili ekonomski neisplativo. Modularni koncept nudi mnoge prednosti nad tradicionalnim centralizovanim sistemima kao što su fleksibilna konstrukcija – jednostavno povećanje kapaciteta, brza realizacija, učinkovito prečišćavanje, jednostavno održavanje, postojan kvalitet, male dimenzije (veličina modula 13x3 m). Težište rada je u prehrambenoj, hemijskoj i prerađivačkoj industriji (koža, tekstil, drvo, papir,...) i prečišćavanju otpadnih voda u komunalnoj oblasti. Ova modularna postrojenja imaju primjenu i u tretmanu sanitarnih otpadnih voda u rudnicima, termoelektranama kao i bezinskim pumpama. Učinkovite metode prečišćavanja, robusne komponente i visok kvalitete obrade su karakteristike proizvoda firme koja od 1994. godine daje rješenja za otpadne vode. Kako je istaknuto na prezentaciji, glavne karakteristike sistema "Wasserunion" su modularni dizajn koji omogućuje fleksibilno i tačno, prema potrebnom kapacitetu, orijentisano projektovanje, ekonomičnost kroz uštedu od najmanje 25% investicionih troškova. Ujedno, i do 30% su niži operativni troškovi zbog niske energetske potrošnje i niske proizvodnje mulja. Kao prednost je istaknuta i najbrža moguća provedba projekta s prefabrizovanim elementima postrojena, uz već istaknute kvalitete i pouzdanost. Predstavnici ove ugledne njemačke firme su istakli da "Wasserunion" modularno postrojenje za prečišćavanje otpadnih voda, objedinjava sve prednosti kompaktne konstrukcije sa visokim kapacitetom čišćenja. Koristi se za naselja i gradove sa deset do dvadeset hiljada stanovnika a njihova postrojenja

prečišćavaju komunalne otpadne vode za naselja do deset hiljada stanovnika. Istaknute su na ovom skupu u Komori brojne prednosti korištenja "Wasserunion" sistema. Između ostalog, "Wasserunion" izrađuje modularna postrojenja za prečišćavanje otpadnih voda samo od izdržljivih i kvalitetnih materijala. Svi dijelovi koji dolaze u dodir sa otpadnim vodama izrađeni su od nehrđajućeg čelika. Ispunjavaju sve najnovije tehničke zahtjeve i već sada zadovoljavaju sve parametre prečišćavanja koji će u EU biti zahtijevani od 2015. godine. Modularna postrojenja zahtijevaju minimum građevinskih radova pa je, kako su istakli njemački stručnjaci, zahvaljujući tome moguće brzo i pravodobno puštanje u pogon, što pruža dodatne uštede kod troškova gradnje a i provedba je brža nego s bilo kojim drugim sistemom. Modularna izvedba također omogućuje jednostavnije lokacijsko planiranje. Projekt prečišćavanja otpadnih voda kao i i podloge za vodnu dozvolu, kupcu "Wasserunion" obezbjeđuje besplatno. Postrojenje se prethodno testira u firmi, isporučuje se na gradilište i već nakon nekoliko dana nakon montaže može se staviti u funkciju.



"Zahvaljujući paralelnom projektovanju i redundantnosti agregata, povećana je pouzdanost procesa. Ukoliko se jedna komponenta, npr. puhalo, pokvari ili se treba nešto remontovati, neki drugi sistem može preuzeti rad te jedinice. Postrojenja su projektovana za rad na temperaturama od -50°C do +50°C. Primjenom najučinkovitijih metoda kao i transportom vode i mulja u sistemu, pomoću zračnih pumpi, smanjuje se potrošnja energije za najmanje 30% u odnosu na konvencionalna postrojenja. Zahvaljujući nehabajućim zračnim pumpama istovremeno se povećava sigurnost od havarija", istakli su njemački stručnjaci Peter Plank i Thomas Tokarski iz firme "Wasserunion" iz Leipziga. Na skupu u Kantonalnoj privrednoj komori Tuzla još je istaknuto da postrojenja sa oznakom "Wasserunion" imaju vijek trajanja od 30 godina a firma "Wasserunion" pruža 10 godina garancije na sistem.

D.K.



Novi sadržaji Dom penzionera Tuzla...

VRAĆA SE STARI SJAJ

- Ulaganje vlastitih sredstava – Povećan broj soba – Adaptirane sale i prilagođene za proslave, skupštine, konferencije, radionice -

Među brojnim sadržajima kojima je obogaćena turistička ponuda Tuzle, te ovaj grad pretvoren u najpoželjniju turističku destinaciju u Bosni i Hercegovini, su i hotelske i ugostiteljske usluge za komercijalne goste u tuzlanskom Domu penzionera. Rukovodeći se činjenicom da se u Tuzli, prema podacima Turističke zajednice Tuzlanskog kantona, broj noćenja domaćih i stranih turista iz godine u godinu povećava, kao i da je Dom penzionera osamdesetih godina bio renomirani ugostiteljski objekat, menadžment ove ustanove je u proteklih godinu i po dana intenzivno radio na povećanju broja smještajnih kapaciteta i poboljšanju uslova u hotelskom dijelu objekta. Tako je broj ležaja za komercijalne goste sa 11 povećan na 53 ležaja u jednokrevetnim i dvokrevetnim sobama, u rangu hotela sa dvije zvjezdice.



„Ulažući vlastita sredstva, ostvarena od naše osnovne djelatnosti, smještaja, ishrane, njege i higijene osoba treće životne dobi, u posebnom dijelu objekta smo uspjeli urediti i namjestiti još 4 jednokrevetne i 19 dvokrevetnih soba. Time smo otvorili vrata ne samo pojedincima, nego i organizovanim grupama gostiju kojima pružamo adekvatan smještaj sa izuzetno pristupačnim cijenama. Nedugo zatim, to se pokazalo dobrim potezom, jer u našim smještajnim kapacitetima sve češće borave sportske ekipe, članovi različitih kulturno-umjetničkih udruženja, odnosno grupe turista koje različitim povodima dolaze u Tuzlu”, kazala je Mirjana Marinković-Lepić direktorica Dom penzionera Tuzla.

Uporedo sa uređivanjem soba radilo se i na adaptaciji postojećih sala za izdavanje. Tako Dom raspolaže sa četiri sale sa različitim brojem sjedećih mjesta koje su, uz to, lako prilagodljive za razne vrste događaja, od svadbenih proslava, skupština, konferencija, radionica i slično, do intimnijih druženja sa manjim brojem gostiju. Za opskrbu ukusnom hranom i pićem gostiju različitih društvenih događaja i zabava brine se ekipa

konobara i kuhara spremna udovoljiti najzahtjevnijim klijentima. Usluge cateringa po vrlo prihvatljivim cijenama predstavljaju izazov u kojem gosti Doma u potpunosti uživaju, a nerijetko su razlog zbog kojeg se Ustanovi ponovo obraćaju. Posebnu pogodnost za sve putnike i goste predstavlja geografski položaj objekta Doma penzionera. U samom centru grada, nadomak svih sadržaja bitnih za boravak gostiju, u blizini javnog gradskog prevoza, te brojnih kulturnih, sportskih, odnosno rekreativnih sadržaja u gradu, samo pet minuta šetnje do Panonskih jezera. Oko objekta se nalazi lijepo uređen park sa pješačkim stazama i klupama gdje gosti mogu provoditi ugodne trenutke odmora. Ne trebaju brinuti ni za svoje automobile, jer Hotel posjeduje obezbijeđen i besplatan parking sa dovoljnim brojem mjesta, što je još jedan od razloga da se koriste hotelske i ugostiteljske usluge Doma penzionera.



„Proširenjem naših smještajnih kapaciteta za komercijalne goste, odnosno uređenjem hotelskog dijela objekta, kao i renoviranjem sala, te poboljšanjem usluga cateringa želimo kod potencijalnih korisnika ovih usluga pobuditi i jednu socijalnu notu. Jer, bitno je znati da se Dom samofinansira, te da sav prihod ostvaren od komercijalnih usluga usmjeravamo u poboljšanje osnovne djelatnosti Doma, odnosno u podizanje kvaliteta života stanara Doma, osoba treće životne dobi”, kazala je direktorica tuzlanskog Doma penzionera Mirjana Marinković-Lepić.





Privredna kretanja – mart 2013. godine

PRIVREDNA KRETANJA NA PODRUČJU TUZLANSKOG KANTONA

Privreda Tuzlanskog kantona je u martu 2013. godine u odnosu na prosjek iz 2012. ostvarila rast industrijske proizvodnje od 7,7%. U periodu od prva tri mjeseca, obim industrijske proizvodnje je manji za 1,6% u odnosu na prosjek 2012.godine.


Prema glavnim industrijskim granama u martu je pad zabilježen u proizvodnji intermedijarnih proizvoda (-6,0%) i netrajnih proizvoda za široku potrošnju (-4,8%) dok je rast proizvodnje zabilježen kod proizvodnje energije (11,9%) trajnih proizvoda za široku potrošnju (69,1%) i kapitalnih proizvoda (9,7%)

U prvom kvartalu 2013. godine iz Tuzlanskog kantona ukupno je izvezeno proizvoda u vrijednosti od 251.151.000 KM što je u odnosu na isti period prošle godine više za 8,64%. U isto vrijeme je došlo i do rasta uvoza od 11,74% te je uvezeno roba u vrijednosti od 306.728.000 KM. Pokrivenost uvoza izvozom je 81,88%, a u istom periodu prošle godine je bila 84,22%. Vanjskotrgovinski deficit je 55.576.000 KM.



Najznačajnija vrijednost izvoza u prvom kvartalu je ostvarena kod izvoza koksa (cca 36,5 miliona KM), karbonali, peroksikarbonati (28,9 miliona KM), dijelovi za motore (cca 27,6 miliona KM), obuća (cca 20 miliona KM) i namještaj (cca 15,7 miliona KM). U prvom kvartalu najviše se uvezlo kamenog uglja (cca 39,8 miliona KM), proizvoda od željeza ili čelika (cca 15 miliona KM), zračne i vakumske pumpe (14,5 miliona KM) i lijekova (7,2 miliona KM). Najznačajniji vanjskotrgovinski partneri Tuzlanskog kantona su Njemačka, Slovenija, Italija, Hrvatska i Austrija. Prema podacima Federalnog zavoda za zapošljavanje

, na kraju februara 2013.godine u Tuzlanskom kantonu je bilo zaposleno ukupno 80.056 osoba. U odnosu na prethodni mjesec, broj zaposlenih je manji za 1,1%, dok je u odnosu na prosjek 2012.godine manji za 1,0%. Prerađivačka industrija i trgovina zapošljavaju najviše osoba. Prema podacima Federalnog zavoda za zapošljavanje, u martu 2013.godine je registrovano 98.016 nezaposlenih osoba ili 0,36% manje u odnosu na februar 2013. Prema stručnoj spremi, najviše je KV i NKV radnika, a slijede osobe sa srednjom stručnom spremom.




Prosječna neto plata u Tuzlanskom kantonu iznosi 739 KM što je ispod prosjeka Federacije BiH. U odnosu na kantonalni prosjek iz 2012.godine, došlo je do rasta neto plaća za 0,5% i bruto plaća za 0,7%. Najviše prosječne neto plate u Tuzlanskom kantonu su u sektoru proizvodnje i opskrbe el.energijom, dok su najniže prosječne neto plate u građevinarstvu.


STRUČNA SLUŽBA KOMORE

HERCEG
30
SREBRENİK
GODINA
TRADICIJE
1983-2013

HERCEG
PVC i Al prozori i vrata
www.dooherceg.com



**Štedimo energiju,
čuvajmo okolinu!**



NLB Klik

Zbog Vas želimo biti još bolji!

Uz novo ime i nove pogodnosti. Od sada, izuzetno povoljna ponuda elektronskog, mobilnog i SMS bankarstva za fizička lica, uz jedinstvenu naknadu za sva tri servisa.

Jača, stabilnija i sigurnija NLB Banka, Vama na usluzi 24 sata.

NLB  Banka
Znam zašto.

www.nlb.ba

Kontakt centar: 035 259 259